

COVID - 19

ԱՄԻՐԱՆ ՓԱՏՊԵԼԻՋԵ. «ՀԱՄՈՋՎԱԾ ՉԵՆՔ, ՈՐ «ՕՄԻԿՐՈՆԸ» ՀԱՄԱՎԱՐԱԿԻ ԱՎԱՐՏԻ ՍԿԻԶԲՆ Է»

Վրաստանի հիվանդությունների վերահսկման ազգային կենտրոնի գլխավոր տնօրեն Ամիրան Գամդելիձե, մեկնաբանելով այն վարկածը, թե իբրև «Օմիկրոնը» կարող է լինել համավարակի ավարտի սկիզբը, ասել է, որ այդուհանդերձ, վարակի դեմ զենքերը վայր դնել պետք չէ:

Ամիրան Գամդելիձեի խոսքով, «Օմիկրոն» շտամը շատ արագ է տարածվում, եւ առողջապահության ոլորտը կարող է մեծ ճնշման տակ ընկնել:

- Առաջին նշաններն արդեն ի հայտ են եկել, եթե «Օմիկրոնը» համեմատենք հարավաֆրիկյան կորի հետ, ապա այն նույնպես արագորեն աճեց, թեւև նույն արագությամբ նվազեց: Պատվաստված մարդիկ «Օմիկրոնը» համեմատաբար հեշտ են

տանում, նույնիսկ որոշ չպատվաստվածների մոտ սա լույսի ակնթարթային հոսանքի հետ կարելի է համեմատել: Վարկածներից մեկն այն է, որ «Omicron»-ը կարող է լինել համավարակի ավարտի սկիզբը: Այդուհանդերձ, այս հանգամանքը հանգիստ լինելու հիմք չի տալիս: «Օմիկրոնը» գալիս է ցունամիի պես՝ շատ մեծ արագությամբ,



իսկ սա կարող է մեծ ճնշում գործադրել առողջապահական ոլորտի վրա, հայտարարեց Ամիրան Գամդելիձեն:

Georgia e-Health ՀԱՎԵԼՎԱԾԸ ԱՐՏԱՍԱՐՄԱՆՈՒՄ ՎՐԱՍՏԱՆԻ ՊԱՏՎԱՍՏՎԱԾ ՔԱՂԱՔԱՑԻՆԵՐԻ ԵՎ ՕՏԱՐԵՐԿՐԱՑԻՆԵՐԻ ՀԱՄԱՐ

Վրաստանի առողջապահության նախարարության տարածած հաղորդագրության մեջ նշված է, որ արտերկրում պատվաստված Վրաստանի քաղաքացիները, ինչպես նաեւ օտարերկրյա քաղաքացիները կկարողանան օգտվել Georgia e-Health հավելվածից:

«2021 թվականի դեկտեմբերի 1-ից ուժի մեջ է մտել այսպես կոչված կանաչ անձնագրային համակարգը: «Կանաչ անձնագրի» հասանելիությունը ավելի հարմարավետ դարձնելու համար ստեղծվել են «COVIDPASS.MOH.GOV.GE» եւ «Georgia e-Health» էլեկտրոնային հավելվածները:

Հաշվի առնելով պատվաստման գործընթացի կարեւորությունը, նման դեպքերում Վրաստանի քաղաքացիները, որոնք պատվաստվել են

Առողջապահության համաշխարհային կազմակերպության կողմից լիազորված պատվաստանյութերով, ինչպես նաեւ օտարերկրյա քաղաքացիները (որոնք համապատասխանում են N01-353/O հրամանում նշված անձանց մասին որոշմանը): Պատվաստման մոդուլում իմունիզացիայի մասին տեղեկություններ ստանալու համար տրվում է գրանցվելու իրավունք, որը թույլ կտա նրանց օգտվել Georgia e-Health հավելվածից»,- ասված է հաղորդագրության մեջ:



Վրաստանի առողջապահության փոխնախարար Թամար Գաբունիայի խոսքով, եթե նախկինում խթանիչ չափաբաժինը

«PFIZER»-Ի ԵՎ «ASTRAZENECA»-Ի ԽԹԱՆԻՉ ՉԱՓԱԲԱԺԻՆԸ ԵՐԵՔ ԱՄՍԻՑ

«Pfizer»-ի եւ «AstraZeneca»-ի խթանման ժամկետը կրճատվել է մինչեւ երեք ամիս: Այս մասին որոշումը կայացրել է ինունական-խարզելման խորհուրդը:

հնարավոր էր ստանալ «Pfizer»-ի եւ «AstraZeneca»-ի 2-րդ պատվաստումից հետո՝ 5 ամսվա ընթացքում, իսկ «Sinopharm» եւ «Sinovac» պատվաստանյութերի դեպքում՝ երկրորդ դեղաչափից 3 ամիս հետո, ապա այժմ խորհուրդն առաջարկում է ցանկացած պատվաստանյութի դեպքում խթանիչ չափաբաժինը կատարել երրորդ ամսից:

Խթանիչ չափաբաժին մասին որոշումն ուժի մեջ է դեկտեմբերի 24-ից՝ համաձայն նախարարի հրամանի, այսինքն՝ դեկտեմբերի 25-ից արդեն հնարավոր է դարձել պատվաստանյութը ստանալ երրորդ ամսից:

Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅԵՑ 285 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 285 000 073-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 5 440 590-ը: Ապաքինվել է 252 738 337 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 54 656 866 դեպք: Այստեղ մահացածների թիվը 844 272 է, երկրորդ տեղում Հնդկաստանն է, որտեղ հաստատված դեպքերի թիվը հասել է 34 822 040-ի, մահացածներին՝ 480 860-ի:

Վարակվածների թվով հաջորդ տեղում Բրազիլիան է: Այստեղ վարակվել է 22 263 834, մահացել՝ 618 870 մարդ: Մեծ Բրիտանիայում կորոնավիրուսով վարակվել է 12 559 926, վարակի հետեւանքով մահացել՝ 148 089 մարդ: Մեծ Բրիտանիային հաջորդում են Ռուսաստանը, Ֆրանսիան, Թուրքիան, Գերմանիան, Իրանը ու Իսպանիան:

Հայաստանում, ընդհանուր առմամբ, վարակվածների թիվը հասնում է 344 826-ի, մահա-

ցածներինը՝ 7 968-ի, ապաքինվածներինը՝ 331 348-ի:

Աղբյուրում վարակվածների թիվը 615 842 է: Վարակից մահացել է 8 332, ապաքինվել՝ 597 754 մարդ:

Վրաստանում, վերջին տվյալներով, վարակվել է 932 641, մահացել՝ 13 758, ապաքինվել՝ 893 064 մարդ:

Դեկտեմբերի 30-ին կորոնավիրուսով վարակման 2 097 նոր դեպքերից 887-ը Թբիլիսիում է, Աջարիայում՝ 222, Իմերեթիում՝ 309, Քվեմո Քարթլիում՝ 114, Շիրակա Քարթլիում՝ 97, Գուրիայում՝ 92, Սամեգրելո-Ջեմո Սվանեթիում՝ 140, Կախեթիում՝ 135, Սցխեթա-Մթիանեթիում՝ 49, Ռաճա-Լեչխումիում եւ Քվեմո Սվանեթիում՝ 22, Սամցխե-Ջավախեթիում՝ 30:

Դեկտեմբերի 30-ի տվյալներով մահացել է 51 մարդ:

ՀՆԱՐԱՎՈՐ Է ԾԱԳԻ ԶՈՐՐՈՐԴ ԶԱՓԱԲԱԺԻ ԸՆԴՈՒՆՄԱՆ ԱՆՀՐԱՊԵՇՏՈՒԹՅՈՒՆԸ

Վրաստանի Հիվանդությունների վերահսկման ազգային կենտրոնի տվյալներով, Վրաստանում 1000 մարդ պատվաստվել է կորոնավիրուսի դեմ պատվաստանյութի չորս դեղաչափով:

- Սրանք հիմնականում այն քաղաքացիներն են, ովքեր պատվաստվել են «Sinopharm» եւ «Sinovac» պատվաստանյութերով եւ ճանապարհորդում են երկրներ, որոնք դեռ չեն ծանաչել որոշակի պատվաստանյութեր եւ պահանջում են FDA-ի կող-

մից հաստատված պատվաստանյութեր, - ասել է կենտրոնի ղեկավար Ամիրան Գամդելիձեն:

Ամիրան Գամդելիձեի խոսքով, բացառված չէ, որ ծագի չորրորդ չափաբաժին ընդունման անհրաժեշտությունը նաեւ մյուսների համար:

ՀՈՐԵԼՅԱՆ

Դեկտեմբերի 22-ին Վիրահայոց թեմի «Հովհաննես Թումանյանի տուն» գիտա-շակութային կենտրոնի աշխատակիցները, Երեւանի Հովհաննես Թումանյանի թանգարանի հրավերով եւ աջակցությամբ, Վիրահայոց թեմի առաջնորդ Տեր Կիրակոս վարդապետ Դավթյանի օրհնությամբ եւ հովանավորությամբ, մասնակցեցին Երեւանում անցկացվող «Օլգա Թումանյան - 150» հոբելյանական միջոցառմանը, որը նշվեց Երեւանի Հովհաննես Թումանյանի թանգարանում:

Թանգարանը նախապատրաստվել էր հորեյանին հրատարակելով «Մայրիկ» վերնագիրը կրող հաստափոր գիրքը, որն ամբողջովին նվիրված է Թումանյանի կնոջ՝ Նանակագրության, արխիվային փաստաթղթերի, թումանյանական ստեղծագործությունների եւ այլ նյութերի տեսքով ու ներկայացումով: Թանգարանի տնօրեն Անի Եղիազարյանը հորեյանական միջոցառումը սկսեց գրքի շնորհանդեսով: Գրքի շնորհանդեսին հաջորդեց թանգարանի պատրաստած Օլգա Թումանյանին նվիրված «Մայրիկ» տեսաֆիլմի առաջին ցուցադրությունը: Այնուհետեւ ներկայացվեցին Թումանյանի թոռնուհիներ Սուրմա Թումանյանի (Սանկտ Պետերբուրգ) եւ Իրմա Սաֆրազբեկյանի (Գերմանիա, քաղաք Հայդելբերգ) հուշ-ուղերձները իրենց տատի մասին: Իրմա Սաֆրազբեկյանը իր որդու՝ Ռուբեն Բանբան-

ԹՈՒՄԱՆՅԱՆ ՄԵԾ ՄԱՅՐԻԿԻ 150-ԱՄՅԱ ՀՈՐԵԼՅԱՆԸ



Գիտան Հովսեփյանը եւ Անի Եղիազարյանը

յանի հետ խնդրել էր թանգարանին հանձնել Օլգա տա-

տիկի քթածխախոտի տուփը: Այն թանգարանին փոխանցեց բանասիրական գիտությունների դոկտոր, պրոֆեսոր Սերգո Երիցյանը՝ հաղորդելով նաեւ լուսնիկների ջերմ ողջույնները հորեյանի առթիվ:

Այնուհետեւ ողջույնի խոսքով հանդես եկավ Վիրահայոց թեմի Թբիլիսիի «Հովհաննես Թումանյանի տուն» կենտրոնի ղեկավար Գիտան Հովսեփյանը՝ տեղեկացնելով, որ վիրահայերն արդեն տոնել են իրենց մեծ հայրենակցուհու 150-ամյա հորեյանը հենց այն տաճարում, որ վերջին տարիներին ապրել է Թումանյանների ընտանիքը: Գ.Հովսեփյանը թանգարանին փոխանցեց վիրահայ մանրանկարիչ Մերուժան Շահումյանի «Ավետուն» աշխատանքը: Հորեյանական հանդիսավոր մասը եզրափակեց Մայր Աթոռ Սուրբ Էջմիածնի Եկեղեցական հայեցակարգային հարցերի գրասենյակի տնօրեն Գերաշնորհ Տեր Վազգեն եպիսկոպոս Միրզախանյանը՝ պահպանիչ աղոթքով ու ջերմ մաղթանքներով: Այս ամենին հաջորդեց ներկաների այցելությունը Օլգա Թումանյանին նվիրված եւ նրան առնչվող իրերի ցուցահանդես:

Միջոցառմանը ներկա էին Թումանյանի եղբայրների թոռները՝ Հանրին եւ Լաուրան, որոնք եւս սիրով կիսվեցին տիկին Օլգայի մասին հուշերով:

ՍԵՂԱ ԱՐԵՎՅԱՆ



ՀԱՅԱՍՏԱՆ - ԱՐՅԱԽ. Փառսեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆԻ ՎԱՐՉԱՊԵՏԸ ՄԱՍՆԱԿՑԵՑ ԱՊՅ ԵՐԿՐՆԵՐԻ ՂԵԿԱՎԱՐՆԵՐԻ ՈՉ ՊԱՇՏՈՆԱԿԱՆ ՀԱՆԴԻՊՄԱՆԸ



Միջոցառմանը մասնակցեցին նաև Ռուսաստանի նախագահ Վլադիմիր Պուտինը, Ղազախստանի նախագահ Կասիմ-ժոմարտ Տոկաևը, Ղրղզստանի նախագահ Սադիր ժապարովը, Բելառուսի նախագահ Ալեքսանդր Լուկաշենկոն, Տաջիկստանի նախագահ Էմոմալի Ռահմոնը, Ուզբեկստանի

Դեկտեմբերի 28-ին աշխատանքային այցով Ռուսաստանում գտնվող Հայաստանի վարչապետ Նիկոլ Փաշինյանը Սանկտ Պետերբուրգում մասնակցեց ԱՊՅ մասնակից պետությունների ղեկավարների ոչ պաշտոնական հանդիպմանը:

Նախագահ Շավթաթ Սիրգիյուելը, Թուրքմենստանի նախագահ Գուրբանգուլի Բերդիմուխամետովը, Ադրբեջանի նախագահ Իլհամ Ալիևը, Ղազախստանի առաջին նախագահ Նուր-տուլբան Նազարբաևը, ինչպես նաև ԱՊՅ գործադիր քարտուղար Սերգեյ Լեբեդևը:

Հանդիպմանը քննարկվեցին ԱՊՅ տարածքում համագործակցության զարգացմանը վերաբերող հարցեր, ինչպես նաև կորոնավիրուսի համավարակի դեմ համընդհանուր պայքարին ուղղված միջոցառումներ:

Հանդիպումն ավարտվեց ԱՊՅ պետությունների առաջնորդների ոչ պաշտոնական ճաշով:

ՔՆՆԱՐԿՎԵԼ Է 300 ԴՊՐՈՑԻ ԵՎ 500 ՄԱՆԿԱՊԱՐՏԵԶԻ ԹԻՐԱԽԱՅԻՆ ԾՐԱԳՐԻ ԻՐԱԿԱՆԱՑՄԱՆ ԸՆԹԱՑՔԸ

Հայաստանի վարչապետ Նիկոլ Փաշինյանի գլխավորությամբ կայացել է խորհրդակցություն՝ կառավարության ծրագրով սահմանված՝ 300 դպրոցի եւ 500 մանկապարտեզի կառուցման, վերանորոգման կամ հիմնանորոգման ծրագրի ընթացքի վերաբերյալ:

- Այս տարի տեղի ունեցած արտա-հերթ խորհրդարանական ընտրությունների նախընտրական քարոզարշավի ժամանակ մենք արձանագրել ենք մեր հանձնառությունը Հայաստանի կրթու-

թյան եւ, մասնավորապես, հանրակրթության ոլորտում էական բարեփոխումներ եւ ներդրումներ իրականացնելու ուղղությամբ: Մասնավորապես, խոսել ենք 300 դպրոց եւ 500 մանկապարտեզ

կառուցելու, վերանորոգելու կամ հիմնանորոգելու ծրագրի մասին: Այն ներառված է կառավարության գործունեության 2021-2026թթ. ծրագրում, կառավարության ծրագրի իրականացման միջոցառումների ցանկում: Այսօր կփորձենք ավելի մանրամասնել եւ հնարավորինս կանխատեսելի դարձնել մեր առաջիկա անելիքներն այս ուղղությամբ, հայտարարեց Նիկոլ Փաշինյանը:

ԳՐԱՆՑՎԵՑԻՆ ՌԵԿՈՐԴԱՅԻՆ ՑՈՒՑԱՆԻՇՆԵՐ ՆՈՐ ԱՇԽԱՏԱՏԵՂԵՐԻ ՔԱՆԱԿՈՎ ԵՎ ԱՄՍԱԿԱՆ ԵԿԱՄՈՒՏՆԵՐՈՎ

2021 թվականին Հայաստանում թե՛ աշխատատեղերի քանակով, թե՛ միջին ամսական եկամտի մասով ռեկորդային ցուցանիշներ են գրանցվել:

Հայաստանի պետական եկամուտների կոմիտեի նախագահ Ռուստամ Բադալյանի խոսքով, 2021 թվականի նոյեմբերի տվյալներով գրանցվել է 654 հազար աշխատատեղ:

- Արդեն ունենք 2021 թվականի աշխատատեղերի միջին ամսական ցուցանիշը, որը կազմել է 634 հազար: Համեմատության համար նշենք, որ 2020 թվականի միջին ամ-

սական ցուցանիշը եղել է 609 հազար, 2019 թվականին՝ 602 հազար: 2020 թվականի համար աշխատատեղերի այս տարվա միջին ամսական ցուցանիշը գերազանցում է 25 հազարով կամ 4,1 տոկոսով, 2019-ի համեմատ՝ 32 հազարով կամ 5,3 տոկոսով,- ասել է Ռուստամ Բադալյանը:

Ներկայացվելով միջին ամսական եկամուտների ցուցանիշը (դեկտեմբեր ամսվա տվյալները ներառված չեն), ՊԵԿ նախագահը նշեց, որ մեկ աշխատատեղի գծով միջին ամսական եկամուտը 2021 թվականին կազմել է 214 հազար դրամ: 2020 թվականին այդ փվը 203 հազար էր, 2019 թվականին՝ 190 հազար:

ՀԱՅՏՆԻ ԵՆ ՀԱՅԱՍՏԱՆԻ 2021 ԹՎԱԿԱՆԻ ՏԱՍԸ ԼԱՎԱԳՈՒՅՆ ՄԱՐԶԻԿՆԵՐԸ

Մարզական լրագրողների եւ ազգային թիմերի գլխավոր մարզիչների քվեարկության արդյունքում հայտնի են դարձել Հայաստանի 2021 թվականի «Տարվա 10 լավագույն մարզիկների» անունները:

Դեկտեմբերի 21-ին կայացած քվեարկությանը լրագրողներից մասնակցեցին սպորտային 15 թղթակից եւ ազգային ֆեդերացիաների ներկայացուցիչներ:

Քվեարկության արդյունքում ձեւավորվել է հետեւյալ տասնյակը՝ ըստ այբբենական կարգի՝

Ալեքսանյան Արթուր - հունա-հռոմեական ըմբշամարտ

Ամոյան Մալխաս - հունա-հռոմեական ըմբշամարտ

Բաչկով Ռոման - բռնցքամարտ

Դավթյան Արթուր - սպորտային մարմնամարզություն

Լալայան Վարազդատ - ծանրամարտ

Դանիելյան Էլինա - շախմատ

Հարությունյան Արսեն - ազատ ոճի ըմբշամարտ

Մարտիրոսյան Սիմոն - ծանրամարտ

Սիմոնյան Գոռ - ծանրամարտ

Չալոյան Դավիթ - բռնցքամարտ



«Տարվա համակրանք» մրցանակը, որի համար քվեարկել են երկրպագուները, ստացել է աշխարհի չեմպիոն Սալխաս Ամոյանը:



ԶԱՐԵՅ ՍԻՆԱՆՅԱՆ. «ՀԱՅԱՍՏԱՆԻ ԿՅԱՆՔՈՒՄ ՍՓՅՈՒՔԻ ԶԱՅՆԸ ԱՎԵԼԻ ԼՍԵԼԻ ՊԵՏՔ Է ԼԻՆԻ»

Հայաստանի սփյուռքի գործերի գլխավոր հանձնակատար Զարեհ Սինանյանն անցկացրեց իր տարեկան ամփոփիչ ասուլիսը:

Ասուլիսում Սփյուռքի գործերի գլխավոր հանձնակատարը նշեց, որ առաջնային հարցերից է համարում հայաստանյան կյանքում սփյուռքի ձայնն ավելի լսելի դարձնելու հարցը. առհասարակ գոյություն ունեցող բանաձեւերից է երկպալատ խորհրդարանի ստեղծումը՝ սփյուռքյան խորհրդակցական պալատով, սակայն Հայաստանում տարբերակների ընտ-

րության շուրջ դեռ քննարկումներ պետք է լինեն: Զարեհ Սինանյանն անդրադարձավ նաև օտարերկրյա պետություններում սփյուռքի գործերով հանձնակատարների նշանակման հարցին, նշելով, որ նշանակումներ դեռ չեն արվել, սակայն արդեն իսկ կան թեկնածուներ: - Մենք չունենք դեռ նշանակված հանձնակատարներ, ունենք թեկնածուներ: Այս պահին պլանավորման փուլում ենք, թե աշխարհագրականորեն ինչպես բաժանենք երկրները կամ տարածքները, որպեսզի մեր նպատակին հասնենք,- ասաց Սինանյանը:

Անդրադառնալով սփյուռքի ներուժի վերհանման եւ այդ ներուժի օգտագործման հարցին, Զարեհ Սինանյանը նշեց, որ Հայաստանի սփյուռքի գործերի գլխավոր հանձնակատարի գրասենյակը «Սփյուռքի ներուժի քարտեզագրում» ծրագրի շրջանակում ստեղծել է տվյալների մուտքագրման փակ բազա՝ վերհանելու սփյուռքի ներուժը:

Հայաստանի սփյուռքի գործերի գլխավոր հանձնակատարը խոսեց նաև իրականացված ծրագրերի, մասնավորապես, «ԻԳՈՐԺ», «Քայլ դեպի տուն» ծրագրերի մասին, նշելով, որ վերջինիս մասնակցել են 24 երկրներից ժամանած շուրջ 400 սփյուռքահայ պատանիներ եւ երիտասարդներ:

ՀԱՅԱՍՏԱՆԻ ԵՐԵՎԱՆԻ ԶԱՐԳԱՅՄԱՆ 2022 ԹՎԱԿԱՆԻ ԾՐԱԳՐԸ

Դեկտեմբերի 28-ին Երեւանի ավագանին հաստատեց Երեւան քաղաքի զարգացման 2022 թվականի ծրագիրը. որպեսզի ներկայացված է 25 հիմնախնդիր եւ առաջնահերթություն:

Երեւանի զարգացման 2022 թվականի ծրագիրը նպատակ ունի ապահովել բնակչության կենսական շահերը եւ բարեկեցությունը՝ երաշխավորելով երեւանցիների կյանքի որակի բարելավումը: Ծրագիրը ներկայացնում է Երեւան քաղաքի ընդհանուր վիճակի բնութագիրը, քաղաքային տնտեսության առանձին բնագավառներում եւ վարչական շրջաններում առկա հիմնախնդիրները, ինչպես նաև 2022 թվականին նախատեսված միջոցառումները՝ հիմք ընդունելով Երեւանի զարգացման 2018-2023թթ. հնգամյա ծրագիրը:

2021-ԻՆ ՀԱՅԱՍՏԱՆ Է ԱՅՅԵՆԵԼ 816 ՀԱՉԱՐ ԶԲՈՍԱԿՐԶԻԿ

Հայաստանի զբոսաշրջության ոլորտի համար 2021 թվականը բավական ակտիվ տարի է եղել. թեպետ թվային ցուցանիշները գոհացնող չեն, եթե դրանք համեմատում ենք 2019 թվականի ու դրան նախորդող տարիների հետ:

2021 թվականի տվյալները դեռ վերջնական ամփոփված չեն, սակայն նոյեմբերի հաշվարկներով եղել է 816 հազար ներգնա զբոսաշրջիկ, ինչը 50 տոկոսով գերազանցում է նախորդ տարվա ցուցանիշը: Հիմնականում զբոսաշրջիկները Հայաստան են այցելել Ռուսաստանից, Իրանից, ԱՄՆ-ից (այսպես կոչված՝ հիմնականում սփյուռքահայերն են գալիս), Գերմանիայից, Վրաստանից, Ֆրանսիայից, Ուկրաինայից, ԱՄԷ-ից, Միացյալ Թագավորությունից, Իսպանիայից, Իտալիայից:

Այս տարի Հայաստանը մասնակցություն է ունեցել Զբոսաշրջության համաշխարհային կազմակերպության տարեկան համաժողովին, ընդգրկվել է գործադիր խորհրդի կազմում: Համաժողովի ընթացքում վերահաստատվեց, որ տարածաշրջանային հանձնաժողովի միսիոնը տեղի կունենա Խուսիսին Հայաստանում: Սույդ 40 պետության ներկայացուցիչներ կլինեն Հայաստանում:

ԿԱՌՈՒՅՎԵԼ Է 572 ԿՄ, ԿԱՐԳԱՎՈՐՎԵԼ՝ 750 ԿՄ ՀԱՆՆԱԳՐԸ

Հայաստանի տարածքային կառավարման եւ ենթակառուցվածքների նախարարության տարածած տեղեկավարության համաչափ, ընթացիկ տարում 572 կմ ճանապարհ է կառուցվել, իսկ ասֆալտապատման եւ սալիկապատման սուբվենյիոն ծրագրերով կարգավորվել՝ շուրջ 750 կմ ճանապարհ:

ԱՌՆԵՏ (1936, 1948, 1960, 1972, 1984, 1996, 2008)



Նոր՝ 2022թ.-ին սովորեք այն ամենը, ինչ ձեզ հետաքրքրում է: Եղեք մանկան ման հետաքրքրասեր, ուշադրությամբ հետևեք ցանկացած լուրի: Օգտակար է մասնակցել սեմինարների, անցնել դասընթացներ, բարձրացնել պրոֆեսիոնալ մակարդակը եւ սովորել հենց սովորելու համար: Բացառված չէ, որ ձեր մեջ առաջանա ընթերցողների հետ սեփական խոհերով ու մտքերով կիսվելու ցանկություն, ինչը նշանակում է, որ եկել է սեփական կայք բացելու ժամանակը կամ լուրջ գիրք գրելու պահը: Բացի դրանից, գալիք տարում ձեզ սպասում են շատ հետաքրքիր եւ օգտակար ծանոթություններ: Մի՛ մտադրեք չորս պատերում, հաճախակի դուրս եկեք աշխարհ եւ մի՛ ամաչեք առաջինը սկսել շփվել:

ՅՈՒԼ (1937, 1949, 1961, 1973, 1985, 1997, 2009)




Գալիք տարում ձեզ սպասվում է ֆինանսական հաջողություն: Չնայած առկա համաշխարհային տնտեսական դժվարություններին, ձեզ կհաջողվի գտնել եկամտի ոսկե երակը: Լավ է սկսել նոր գործ, ձեռնարկել բիզնես, ինչը մոտ ապագայում կարող է բերել լավ եկամուտ: Եթե մասնավոր եք աշխատում, ապա՝ սպասեք աշխատավարձի բարձրացման կամ պատկառելի հավելավճարի: 2022թ.-ին ձեր առաջնահերթ ու կարելու խնդիրն է հասնել խաղաղ ու կայուն հոգեվիճակի: Եթե հիմա ունեք փողային դժվարություններ, ջանացեք ձեզ զգալ հարուստ մարդ, ով ունի այն ամենը, ինչ անհրաժեշտ է ունենալ կյանքում. այդ կերպ դուք կգրավեք եւ դեպի ձեզ կծագեք բարօրության ու բարգավաճման էներգիան:

ՎԱԳՐ (1938, 1950, 1962, 1972, 1986, 1998, 2010)



2022-ը ձեզ համար լինելու է առանձնահատուկ տարի: Դուք շատ երկար պատրաստվել եք, ու հիմա ժամանակն է իրագործել վերջնական ցատկը: Դիմե՛ք ամեն ինչ կախված է միմյայն ձեզանից, դուք եք իրագործում ձեր որոշումը եւ պատասխանատուն էլ կլինեք դուք: Այնպես որ, ինչպես ասում են «Յոթ չափիր, մեկ կտրիր» եւ գործիր անհապաղ, առանց ձգձգելու: Նոր տարում դուք ազդեցիկ կդառնաք շրջապատի համար, ինչը կօգնի հասնելու նպատակներին: Ձեռնարկեք երկարաժամկետ նախագծեր, մի՛ երկյուղեք ճանաչված չլինելուց եւ ջանացեք ճիշտ հաշվարկել անելիքի առավելությունները: Դուք հիմա ինքնավստահ եք, ընդունակ՝ կառավարել ձեր կյանքի ղեկը նույնիսկ ամենախրթին ու դժվար անցումներում, այնպես որ, հաջողությունը անպայման ձեզ հետ կլինի:



ՃԱՎԱՐ (1939, 1951, 1963, 1975, 1987, 1999, 2011)

Գալիք տարին նվիրեք ձեր ներաշխարհին: Ձեզանում

Ի՞ՆՉ Է ԽՈՍՏԱՆՈՒՄ ՄԵՉ ՎԱԳՐԸ

2022թ.-ը կանցնի Ջրային Վագրի կառավարությամբ: Ի՞նչ կբերի նոր կառավարիչը Արեւելյան հորոսկոպի տարբեր նշաններին: Եկեք հարցնենք այդ մասին աստղերին:

Վաղուց կուտակվել են անձամբ ձեզ վերաբերող շատ ու շատ հարցեր եւ հիմա եկել է այդ ամենից գլուխ հանելու, ամեն ինչ իր տեղը դնելու ժամը: Հիմա առանձնապես կարեւոր չէ սոցիալական ակտիվությունը, սակայն հոգեւոր աշխատանքը շատ կարեւոր է: Հրաժարվեք վազվզոցից եւ ա՛յն մարդկանց հետ շփումներից, ովքեր վատնում են ձեր ներքին ուժերը: Փոխարենը ժամանակը նվիրեք մեկուսանալուն եւ ինքնավերլուծությանը: Եթե զբաղվում եք հոգեւոր պրակտիկայով, ժամանակը առավելապես նվիրեք աղոթքին եւ մտակենտրոնացմանը (մեդիտացիային): Օգտակար կլինի բարերարություն անել, ծառայություն մատուցել եկեղեցուն, համայնքին, գրուցել հոգեբանի, հոգեւոր առաջնորդի հետ:

ՎԻՇԱՊ (1940, 1952, 1964, 1976, 1988, 2000, 2012)



Դուք կիայտնվեք հետաքրքիր իրադարձությունների հորձանուտում, որոնք, ի վերջո, ձեզ կհասցնեն ձեր նվիրական երազանքի իրականացմանը: Վիշ-ապին սպասվում է խելագար ծրարերով եւ բախտախնդրություններով տարի: Մի՛ վախեցեք ողջախոհ ռիսկից, վերափոխվելուց, ձեզ համար անսովոր, ոչ ավանդական որոշումներից: Տարին կբերի վստահելի ընկերներ, համախոհներ, ովքեր կկիսեն ձեր համոզմունքները, կընդունեն ձեր դավանած արժեքները: Հրաժարվեք չափից ավելի հոգեւորից, ջանացեք գործել համախոհների հետ միասին: Խիստ օգտակար կլինի ժամանակը տրամադրել կարեւոր հասարակական նախագծի, մասնակցել որեւէ բարի գործի: Ձեր կյանքում կարող են հայտնվել հեղինակավոր ու ազդեցիկ աջակիցներ եւ նույնիսկ՝ հովանավորներ: Նրանց օգնության եւ սատարման շնորհիվ՝ դուք կկարողանաք կյանքի կոչել ձեր երազանքները:

ՕՉ (1941, 1953, 1965, 1977, 1989, 2001, 2013)



2022թ.-ին ձեզ սպասվում է հաջողություն կարիերայում: Դա կլինի կարիերային թռիչք: Բացառված չեն, որ ստանաք պատասխանատու աշխատանքում որեւէ պաշտոն զբաղեցնելու իրապուրիչ առաջարկ: Ոչ մի դեպքում չմեծեք. դա սոցիալական նոր աստիճանի հասնելու շանս է: Ձեր պրոֆեսիոնալ ծառայություններն արժանիորեն կգնահատվեն: Եթե դուք ղեկավար եք, ձեր հեղինակությունը եւ ազդեցիկությունը կմեծանա: Իսկ եթե դեռ համեստ պաշտոնյա եք, Վագրի տարում կարող եք ակնկալել պաշտոնի բարձրացում: Գործարարներին խորհուրդ է տրվում համարձակորեն նվաճել նոր հորիզոններ: Սովորեք ռազմավարական մտածողություն, կանխորոշեք եւ հաշվարկեք առաջիկա իրավիճակը այդ դեպքում ֆինանսական գործերն էլ հաջող կընթանան:

ՉԻ (1930, 1942, 1954, 1966, 1978, 1990, 2002)



Տարին կնշանակվի հետաքրքիր ուղեւորություններով եւ ճանապարհորդություններով. եկել է հորիզոններն ընդլայնելու ժամանակը: Ինքնա հեռու գնաք, այնքան սուր եւ հստակ կզգաք կյանքի լիարժեքությունը: 2022-ը կարելու է ձեր աշխարհայացքի, հոգեւոր զարգացման իմաստով: Կասկածամիտներին ժամանակն է կողմնորոշվել դավանանքի հարցում, ուսումնասիրել փիլիսոփայության հիմունքները, շփվել ուսուցիչների եւ հոգեւոր ղեմերի հետ: Ձեզանից շատերը կարող են անձամբ կատարել առաջնորդի դեր: Գիտե՛ք՝ դուք պատրաստ եք մնալ խնդրի, այնպես որ, մի՛ կասկածեք ձեր ուժերին, համարձակ փոխանցեք ձեր գիտելիքները եւ փորձը: Վագրի տարին հաջող կլինի եւ նրանց համար, ովքեր զբաղվում են գիտությամբ, ծրագրում են դիպլոմ ստանալ կամ ատենախոսություն պաշտպանել:

ԱՅԾ (1931, 1943, 1955, 1967, 1979, 1991, 2003)



Տարին ձեզ համար կլինի առանձնահատուկ, նույնիսկ մի քիչ «կախարդական»: Դուք կարող եք բախվել խորհրդավոր եւ անբացատրելի իրողությունների, առեղծվածների, որոնց պատասխանները կպահանջվի գտնել ինքնուրույն: Այծը կհետաքրքրվի էզոթերիզմով (աշխարհաստեղծման գաղտնիքների ուսումնասիրությամբ): Դե ինչ, հաջողություն ձեզ, միայն խորհուրդ եմք տալիս՝ պահպանել ողջախոհություն: Եթե դիմում եք ռիսկի, ապա, ինչպես ասում են, միայն սառը գլխով, սաղարմքի չենթարկվեք: Գալիք տարում ձեզ համար առանձնակի թեմա կդառնա տղամարդ-կին էներգիաների փոխազդեցությունները, խոր փոխհարաբերությունները կողակցի հետ:

ԿԱՊԻԿ (1932, 1944, 1956, 1968, 1980, 1992, 2004)



Ձեզ համար հիմա առաջնայինը գործընկերների հետ ունեցած հարաբերություններն են: Եթե ունեք ձեզ արտամոտ անձնավորություն, ջանացեք նրան տրամադրել առավելագույն ուշադրություն եւ ժամանակ եւ մի՛ վախեցեք ճակատագրական որոշումներ կայացնել: Իսկ եթե դուք դեռ եւս ձեր կյանքի կեսի որոնումների շրջանում եք, մի՛ հուսահատվեք, քանի որ հանդիպման պահը մոտ է: Ջանացեք հաճախակի լինել հասարակության մեջ, մասնակցեք մշակութային միջոցառումների: Գործնական հարաբերություններում նույնպես նախապատվությունը տվեք համատեղ աշխատանքին: Ձեզ կհանդիպեն հուսալի մարդիկ, որոնց հետ համագործակցությունը կլինի

երկարաժամկետ ու արգասավոր: Հաջողություն է սպասվում նրան, ով զբաղվում է իրավագիտությամբ:

ԱՔԼՈՐ (1933, 1945, 1957, 1969, 1981, 1993, 2005)



2022թ.-ին ձեզ համար առաջնային հարցը կդառնա աշխատանքը: Հարկ կլինի աշխատել շատ ու համառոտ: Փոխարենը կունենաք՝ մասնագիտական աճի ու պրոֆեսիոնալ նոր մակարդակի հասնելու շանս: Եթե անգործ եք, շտապեք աշխատանք գտնել. դուք լցված եք էներգիայով, որը ծախսման կարիք ունի: Հիմա կարեւորը սեփական ընդունակություններին համապատասխան ասպարեզ գտնելն է: Դա կարող է լինել, թեկուզ, տնային պայմաններում ինչ-որ բան վերանորոգելը, մեկին որեւէ խնդրով օգնելը. Աքլորին հաճելի կլինի պահանջված մարդ լինելու զգացողությունը: Բացի դրանից նոր տարում անհրաժեշտ է ավելի մեծ ուշադրություն հատկացնել առողջությանը: Մի՛ ծուլացեք կատարել կլինիկական հետազոտություն, իսկ անհրաժեշտության դեպքում՝ նաեւ ընդունել բուժման լիարժեք կուրս:

ՇՈՒՆ (1934, 1946, 1958, 1970, 1982, 1994, 2006)



Ձեզ սպասվում է բոլոր առումներով հաջող տարի: Առաջին հերթին դա վերաբերում է ստեղծագործական աշխատանքին: Ձեզ թույլ տվեք ցանկացած գործում հասնել բարձունքի, մի՛ ամաչեք ի տես հանել ձեր արարումները եւ համարձակորեն ընդունել հաճոյախոսությունները: Եթե ցանկանում եք անցնել աշխատանքային ազատ գրաֆիկի, դառնալ ազատ մասնագետ, ապա հիմա դա ամենլու ամենահարմար ժամանակն է: Հաջողությունը կուղեկցի մարդիկներին, ու նաեւ նրանց, ովքեր աշխատում են աճող սեռնդի հետ: Ի դեպ, տարին կբերի ռոմանտիկ ապրումներ, սիրո ճակատում հաղթանակներ: Սա բարեհաջող ժամանակ է՝ ընտանիքը նոր անդամներով լրացնելու, հնարավորինս փոքրիկների հետ շփվելու:

ԽՈՉ (1935, 1947, 1959, 1971, 1983, 1995, 2007)



Տարվա հիմնական թեման ձեզ համար լինելու է ընտանիքի եւ տան հոգեւոր: Ձեր «ամրոցը» պետք է դառնա հուսալի ապաստարան, որտեղ ձեզ չեն սարսափեցնի ոչ մի հողմ, ոչ մի փոթորիկ: Այնպես որ, համարձակ զբաղվեք ձեր տան վերանորոգմամբ, մտածեք ամառանոց գնելու մասին՝ ամառային հանգստի կամ մշտական ապրուստի համար: Անհրաժեշտ է հոգալ ընտանիքի ավագ անդամների մասին, օգնել ծնողներին: Ջանացեք մերձավորների հետ հաճախակի շփումներ ունենալ, միասին հավաքվել: Եթե պատրաստվում եք նոր ընտանիք ստեղծել, ապա այդ կարեւոր քայլը անելու ժամը եկել է: Սկսեք ձեր նոր կյանքը կարգավորված եւ հուսալի տան մեջ:

Պատրաստե՛ք ՁՈՒԼԻԵՏԱ ԲԱՂԱՅԱՆԸ



	ՀՈՒՆՎԱՐ					ՓԵՏՐՎԱՐ				ՄԱՐՏ				ԱՊՐԻԼ				ՄԱՅԻՍ					ՀՈՒՆԻՍ								
Երկ.	3	10	17	24	31		7	14	21	28		7	14	21	28		4	11	18	25		2	9	16	23	30		6	13	20	27
Երք.	4	11	18	25		1	8	15	22		1	8	15	22	29		5	12	19	26		3	10	17	24	31		7	14	21	28
Չրք.	5	12	19	26		2	9	16	23		2	9	16	23	30		6	13	20	27		4	11	18	25		1	8	15	22	29
Հինգ.	6	13	20	27		3	10	17	24		3	10	17	24	31		7	14	21	28		5	12	19	26		2	9	16	23	30
Ուրբ.	7	14	21	28		4	11	18	25		4	11	18	25		1	8	15	22	29		6	13	20	27		3	10	17	24	
Շաբ.	1	8	15	22	29		5	12	19	26		5	12	19	26		2	9	16	23	30		7	14	21	28		4	11	18	25
Կիր.	2	9	16	23	30		6	13	20	27		6	13	20	27		3	10	17	24		1	8	15	22	29		5	12	19	26

	ՀՈՒՆԻՍ				ՕԳՈՍՏՈՍ				ՍԵՊՏԵՄԲԵՐ				ՀՈԿՏԵՄԲԵՐ					ՆՈՅԵՄԲԵՐ				ԴԵԿՏԵՄԲԵՐ									
Երկ.	4	11	18	25	1	8	15	22	29		5	12	19	26		3	10	17	24	31		7	14	21	28		5	12	19	26	
Երք.	5	12	19	26	2	9	16	23	30		6	13	20	27		4	11	18	25		1	8	15	22	29		6	13	20	27	
Չրք.	6	13	20	27	3	10	17	24	31		7	14	21	28		5	12	19	26		2	9	16	23	30		7	14	21	28	
Հինգ.	7	14	21	28	4	11	18	25		1	8	15	22	29		6	13	20	27		3	10	17	24		1	8	15	22	29	
Ուրբ.	1	8	15	22	29	5	12	19	26		2	9	16	23	30		7	14	21	28		4	11	18	25		2	9	16	23	30
Շաբ.	2	9	16	23	30	6	13	20	27		3	10	17	24		1	8	15	22	29		5	12	19	26		3	10	17	24	31
Կիր.	3	10	17	24	31	7	14	21	28		4	11	18	25		2	9	16	23	30		6	13	20	27		4	11	18	25	

ՀՈՒՆՎԱՐ. 1, 2 - Նոր տարի, 7 - Սուրբ Ծնունդ, 19 - Ջրօրհներ: **ՄԱՐՏ.** 3 - Մայրության օր, 8 - Կանանց միջազգային օր: **ԱՊՐԻԼ.** 9 - Վրաստանի ազգային միասնության օր, 22 - Կարմիր ուրբաթ: **ՄԱՅԻՍ.** 24 - Սուրբ Զատիկ, 25 - Հանգուցյալների հիշատակի օր: **ՀՈՒՆԻՍ.** 9 - Հաղթանակի օր, 12 - Սուրբ Անդրեաս Առաքյալի հիշատակի օր, 26 - Վրաստանի պետական անկախության վերականգնման օր: **ՕԳՈՍՏՈՍ.** 28 - Մարիամոբա: **ՀՈԿՏԵՄԲԵՐ.** 14 - Սցիսթորա: **ՆՈՅԵՄԲԵՐ.** 23 - Գիորգորա:

Հայ Առաքելական եկեղեցու տաղավար տոները, որոնք Հայաստանում ոչ աշխատանքային օրեր են: **ՀՈՒՆՎԱՐ.** 5 - ճրագալույցի տոն, 6 - Սուրբ Ծնունդ եւ Աստվածհայտնության տոն (Մկրտություն), 7 - Հանգուցյալների հիշատակի օր: **ԱՊՐԻԼ.** 15 - Կարմիր ուրբաթ, 17 - Սուրբ Զատիկ, 18 - Հանգուցյալների հիշատակի օր, 24 - Ցեղասպանության զոհերի հիշատակի օր: **ՀՈՒՆԻՍ.** 24 - Պայծառակերպություն, 15 - Հանգուցյալների հիշատակի օր: **ՕԳՈՍՏՈՍ.** 14 - Վերափոխում, 15 - Հանգուցյալների հիշատակի օր: **ՍԵՊՏԵՄԲԵՐ.** 11 - Խաչվերաց:

«Վրաստան» թերթի հաջորդ համարը լույս կտեսնի հունվարի 22-ին:

Գլխավոր խմբագիր՝ ՎԱՆ ԲԱՅԲՈՒԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅՈՒՆ ԶՈՆԱԶԱՐԹԻ: ԹՃՈՒՆՈՒՄ 0105, ԶԱՏՈՐՆԱՐՈՒՄ ԺՅՈՒՆ 5.
Մեր հասցեն՝ Թբիլիսի 0105 Գ.Աթոնելի փ. 5
ԹՃՈՒ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 4 - 1439
«ԿՈՆՈՐ» հրատարակչություն

«ՅՐԱՍՏԱՆ»
ԹՃՈՒՆՈՒՄ, ՆԱԽԱՐԱՐՈՒՄ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445